

Н О В И Н И

ЗА РУСНОХ У ЈУГОСЛАВИЈИ

„Руски Новини“ виходва кажде гь-
двень. — Предплата на рок 55 Дин.
Адреса: „Руски Новини“ Р. Керестур.
Число Чековногo рахунку 59-356.

Видава: Руске Нар. Просв. Дружтво
За редакцију одповеда: Мих. ФИРАК.

Важносц задругарства.

З НАГОДИ 10-РОЧНИЦИ АГРАРНЕЈ ЗАЕДНИЦИ
У РУСКИМ КЕРЕСТУРЕ.

(Г) Постої немилосердна борба людзох за животнима добрами. Кажди ше трудзи, да на цо легчеши способ ужива цо вецей тих благох. У тей борби найбаржей страда худоба — голоручни. Голоручни, человек у живоце бори ше и против человека и против капитала, зос котрим го противник бие. Тота неровна борба одлучуе ше на чкodu економски слабого. Резултат — мизерия.

Нешкайши чежки економско-социјални часи не новосц у историй чловечества. Людзе у старших временох жили ише и у чежших и мизернейших обставинох. Но просвишеносц (цивилизация) попрѣ зла принесла и вельо доброго, — вона повишела людски живот.

ЗАДРУЖНА ДУМКА.

Идея задругарства зродзела и одховала ше у газдовскей нужди и слабосци худоби. Воно у задругох здруженим голоручним борцом живота дава до рукох капитал, же би и вони були ровни на животней арени. Задругар у својей животней борби не появлюе ше вецей лем зос свою худобку, але му помага и здружени капитал шицких задругарох.

«Еден за шицких, шицки за едного!» Морю ше зос капочкох состої, — дзе вельо капочки, там вельке и морю. Дзе вельо задругарох, велька и їх моц.

Наша животна борба створела капитализм, створела комунизм, фашизм и други друштвени и политични рухи, але шицки вони зничели можебуц вецей животни блага, як цо очували.

РОЛЯ ЗАДРУГАРСТВА.

Людзе будуо и валяю. На руинох правя ше нови будови. Так започинаме вельоразѣ едну исту роботу и то лем пре розличити думаня (идеологий).

Задружна идеология помирилвша. Вона ставля мост межди крайносцами межди капитализмом и комунизмом. Задругарство економско-социјална организација економско слабих.

Роля, котру задругарство одбавело до нешка на сцени людского живота, не була главна, але була благотворна. Треба ше наздавац, же крайносци розличитих друштвених рухох раз приведу людзох гу розуму и увидза, же драга задругарства найхасновитица и најблаготворнейша за шицки друштвени класи. Кажди человек ма право, жиц, каждому человеку треба овозможиц да жие чловеческим животом.

Не крив, але работа, не мержня, але междисобне почитоване; не роздор, але солидарносц ствара животни блага и личи рани людскей борби! Животна борба була и будзе, а задружна организација ше стара, да економско слабши борци не останю голоручни. У тим є вельке економске и социјалне значене задругарства.

ЗАДРУГАРСТВО У НАС.

Задружни рух валя свою коляї и по межди нашим жительством. То пошведчуе и дзешецроичица, котру дожила Аграрна Заедница у Руским Керестуре.

Тото задругарство при нашей худоби находзело, а находзи и нешка ише на вель-

„Хорвати готови исц зос Сербами и на Голгофту...“

Еден од преднякох Хорватах др. Суботич тримал на Русадля у Делникох политичну схадку, на котрей гварел: „Хорватски народ сце тоту державу, але вона муши буц лепше ушорена, же би еднак задоволела шицки три народи. Хорвати тимбаржей сцу тоту державу у терашнім чежким часу, кед ше

над цалу Европу згарли чарни хмари. Хорвати готови ведно зос Сербами пойсц на Голгофту, кед то будзе потребно, але лем под условием, да ше пред тим межди Сербами и Хорватами братски риша шицки спорни питаня, бо уж на Голгофти не мож вецей правиц порозумене.“

Княз-Намесник Павло у Берлину.

Його Вел. наш Княз Намесник Павло зос княгиню Олгу одпутовал на други дзень Русадляох де Берлину, да службено нащиви Немецку и канцелара Гитлера. Княз остане у Берлину даскельо днї, а бивац будзе у дворе Белви.

До Берлину сцигнул Княз Намесник зос княгиню Олгу штварток 1. юна Дочекани су на штациї барз торжественно. Шицки берлински улїци кадзи югосл. госци преходзели, були богато оквицени, вшадзи було видно югосл. застави. Княз Намесник будзе у Берлину до 8. юна.

Союз Англиї з большевиками.

Предс. англійскей владѣ Чемберлен виявел у англійским парламенту, же союз з большевиками за обрану уж готови. Але до конечного порозуменя ипак ише не пришло бо большевици питаю не лем да им Англия гарантуе гранїцу гу Польскей, але да ше подвяже, же не будзе правиц нїяки догварки зос фашистичкими державами то є з Немецку, Италию и Испанию. 6. юна ма нови боль-

шевицки министр Молотов тримац пред главным большевицким одбором у Москви бешеду, у котрей конечно ма повесц, як ствар зос Англию стої. Розуми ше, же у Англиї ест моцна опозиция, котра од большевицкого союзу нїч доброго на чека и прето ше проциви приятельству зос людзми, котри отворено гуторя, же своєю обещунки вѣполнїц не муша. Им главне спроводзиц и робиц у швецѣ немир и ровдор.

ки чежкосци, але Аграрна Заедница ипак указуе напредоване.

Твардо вериме, же и наша худоба раз увидзи, дзе ей место и дзе ей длужносц!

Медзисобне почитоване, зложносц и пожертвовносц нашу худобу приведезе ед-

ного дня под кров того задружного зданя!

Зос радосцу полним шерцом винчуеме дзешецроичицу Аграрней Заедници и жичиме щиро да ей задружна работа у дальших рокох будзе цо плоднейша и обилнейша!

Ваш успих — успих шицких нас! — На многая!

10 роки работи „Аграрней Заедници“ у Керестуре.

Од шицких наших дружтвох у Керестуре Аграрна Заедница є една од наймладших и наименей познатих. Причина тому, же нїхто од наших интеллигентох за ню ше не старал. И так жила вона 10 роки охябена сама себе, зберала худобних жителяох нашего валалу да их организуе, да их слаби сили повяже ведно, же би вони були моцнейши. Найслабши, наименши, найвецей помощи треба и зато не робело ше добре, кед ше Аграрна Заедница охябала по страни.

З нагоди преслави ей 10 рочнїци представиме ю нашим читателюм и особено увагу обрациме читателюх з Керестура, да ше за тоту шумну и барц потребну организацию баржей заинтересуе.

Пред 10 роками.

„Аграрна Заедница“ основана у Керестуре пред 10 роки 2. юна 1929 року. При основаню приступело лем 28 члени, а до конца 1939 року мала заедница уж 100 членох. Пленски удїли були по 100д. Циль Заедници бул: организовац у першим шоре так званих „аграрцох“ то ест тих худобних керестурских жителяох, котри достали по войни достали аграрну жем (по даскельо гольти) приучовац их на шпоровносц и солидарносц, а помагац зос пожичками.

Перши одбор Заедници бул таки: Предс. Денчи Бильня, подпрдс. Митро Бодвай, члени Одбору: Йовген Надлукач, Янко Бодвай и Голик Янко.

Биланс на концу 1929 року дал суму од 10.503 д. а чистого хасну було 803 д.

Дальши розвой Аграрней Заедници бул невѣднани. Число членох раз росло раз заш падало. Аграрцох ест у Керестуре до 600, але вони у век-

шини не розумели потребу својей организациї. То главна хиба шицких нас у Бачкей и Срѣме, же зме за организацию барз чежки, непорушни, неверни Томове, а ише зме чежши за жертву и роботу у организациї. Тота наша прадїдовска хиба заваздзала барз и Аграрней Заедници. Але вона ипак витримала.

Терашнї стан.

И ето по 10 роки праці и змаганя ей биланс за 1938. рок таки: Членох 77. Кажди член уплацел удїл од 100 Д. Биланчни пенежни рух 40.144 Д. Чисти хасен 1.078 Д. Шпоровни укладки 16.400 Д. Пожичено членом 19.900 Д.

За Керестур то суми не вельки, але за тоту громадку газдовски најслабших наших жителяох, котри ше у Заедници позбѣрали. Ма вона за своїх членох и едну шеяцу машину и еден триер.

Своєю 10-рочне змагане коруновала Аграрна Заедница, котра ше по новим закону вола „Аграрна Кредитна Задруга“, зос куповлю својого власного дому. Купена хижа на Капушаним шоре зос шпороку порту за 16.000 Д. Тот дом вельо поможе дальшому розвою дружтва. И заш наглашуеме: Нашо интеллигенти муша ше зос тим дружтвом наших најслабших братох баржей заинтересовац и баржей ше за нго старац. Бо кажде дружтво на валале треба помоц школованих людзох. Инак охябене само себе лем чежко ше може отримовац и барз слабо напредовац.

Нашей Аграрней Заедници и ей дїялним членом жичиме вельки и красни розвой у будучносци.

(М-к.)

